



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. D. Magistri Petri Lombardi Novariensis Episcopi
Parisiensis. Sententiārvm Libri IV. quibus vniuersæ
Theologiæ summa continetur**

Petrus <Lombardus>

Mogvntiæ, 1632

De distinctione operum sex dierum. A

urn:nbn:de:hbz:466:1-38829

quia eorum charitas postea non est aucta: & sic dicunt non profecisse in meritis, sed hoc quantum ad vim merendi, non quantum ad numerum meritorum. Plura enim bona fecerunt postea, quæ tunc non fecerant: sed eorum charitas ex qua illa processerunt, non est aucta, ex qua tantum meruerunt antequam ista adderentur, quantum postea his adiectis. Illud vero quod alij superius dicunt, probabilius videtur, scilicet quod angeli usque ad iudicium in scientia & alijs proficiant.

Quædam authoritates videntur obuiare probabiliori sententiae.

H

Quibus tamen videntur obuiare quorundam authoritatum verba. Ait enim Isidorus de summo bono, Angeli in verbo Dei omnia sciunt ante quam hiant: sed nec omnes, nec omnia perfectè. angelos scire dixit, & ideo eos in scientia proficer non remouit. Greg. in l. dialogor. ait: Quid est, quod ibi nesciant, Vbi scientem omnia sciunt? Vbi videtur dicere, quod omnia sciant angeli, & nihil sit quod nesciant. Sed accipendum est hoc de his, quorum cognitio beatum facit cognitorem: ut sunt ea quæ ad mysterium Trinitatis & unitatis pertinent.

POST CONSIDERATIONEM DE ANGELIS HABITAM, agitur de aliarum rerum creatione, & præcipue de operum sex dierum distinctione.

DISTINCT. XII.

A

Hæc de angelicæ naturæ conditione dicta sufficiant. Nunc supereft de aliarum quoque rerum distinctione, nonnulla in medium proferre. Cum Deus in sapientia sua angelicos condidit spir. alia etiam creauit, sicut ostendit supradicta scriptura Gen. quæ dicit. In principio Deum in fine, creasse cælum, i. angelos, & terram, scil. materiam

*Aug. c. 5. l. 1.**de Gen. con-**tra Manich.*

Y 3

quatuor

quatuor elementorum adhuc confusam & informē, quæ à Græcis dicta est, chaos, & hæc fuit ante omnem diem. Deinde elementa distinxit Deus, & species proprias atque distinctas singulis rebus secundum genus suum dedit: quæ non simul, vt quibusdā sanctorum patrum placuit, sed per interualla temporum ac sex voluminā dierum ut alii visum est, formauit.

Quod sancti tractatores videntur super hoc quasi aduersa tradidisse, aliis dicentibus omnia simul facta in materia & forma, aliis per interualla temporum.

*Super Gen.
ad literāli.
1. cap. 1. in
principio.*

*Hieron. ad
principium.
in quest. in
Gen. tom. 3.
Greg. lib. 32.
ca. 10. ad il-
lud. Iob ca.
40. Ecce Bo-
hemot. 5.
Beda in gl.
ordinaria
ad c. 1. Gen.
Ls. de Gen.
contra Ma-
nichæos. 1.
ad medium
ca. 7 in to-
mo. 1.*

Quidam nanq; sanctorum patrum, qui verba Dei atq; arcana excellenter scrutati sunt, super hoc quasi aduersa scripsisse videntur. Alii quidem tradiderūt omnia simul in materia & forma fuisse creata: quod Aug. sensisse videtur. Alii vero hoc magis probauerūt ac asseruerunt, vt prima materia rudis atque informis, quatuor elementorum commixtionem atq; confusionem tenens, creata sit: Postmodū vero per interualla sex dierum ex illa materia rerum corporalium genera sint formata secundum species proprias. Quam sententiam Gregorius, Hieronym⁹, & Beda, aliquique plures commendant ac præferunt. Quæ etiam scripturæ Genes. unde prima huius rei ad nos manavit cognitio, magis congruere videtur.

*Quomodo per interualla temporis res corporales con-
ditæ sunt.*

Secundum hanc itaque traditionem ordinem atque modum creationis formationisque rerum inspiciamus. Sicut supra memoratum est: In principio creauit De⁹ cœlum, i. angelicam naturam, sed adhuc informē, vt quibusdam placet: Et terram, i. illam confusam materiam quatuor elementorum, quā nomine terre, vt Aug. ait contra Manichæos, ideo appellauit Moyses, q̄a terra inter omnia